

Broj: 01-11-12-665-3/24
Sarajevo, 08.07.2024. godine

Na temelju člana 69. stav (3) i člana 70. stav (4) Zakona o javnim nabavkama („Službeni glasnik BiH“, br. 39/14 i 59/22), a vezano za otvoreni postupak javne nabavke usluga - „Održavanje aplikacije za određivanje transformacionog modela (ETRS89-DKS) i Aplikacije za uspostavu i održavanje baze geodetskih tačaka“, predviđen Planom nabavki za 2024. godinu, broj: 01-11-12-399/24 od 22.02.2024. godine, direktor Federalne uprave za geodetske i imovinsko-pravne poslove,
d o n o s i

O D L U K U

o poništenju postupka javne nabavke usluga

I

Ovom odlukom poništava se otvoreni postupak javne nabavke usluga - „Održavanje aplikacije za određivanje transformacionog modela (ETRS89-DKS) i Aplikacije za uspostavu i održavanje baze geodetskih tačaka“, predviđen Planom nabavki za 2024. godinu, broj: 01-11-12-399/24 od 22.02.2024. godine, za koji je Obavještenje o nabavci broj: 399-1-2-6-3-4/24 objavljeno na web Portalu Agencije za javne nabavke BiH dana 27.03.2024. godine.

II

Predmetni postupak javne nabavke usluga se poništava iz razloga što u određenom krajnjem roku nije dostavljena nijedna ponuda, a temeljem obaveze ugovornog organa propisane članom 69. stav (2) tačka a) Zakona o javnim nabavkama.

III

Ova odluka stupa na snagu danom donošenja i objavit će se na službenoj internet stranici Federalne uprave za geodetske i imovinsko-pravne poslove - www.fgu.com.ba.

O b r a z l o ž e n j e

Na temelju Zakona o javnim nabavkama i Plana nabavki za 2024. godinu, broj: 01-11-12-399/24 od 22.02.2024. godine, Federalna uprava za geodetske i imovinsko-

pravne poslove (u daljem tekstu: ugovorni organ) je Odlukom o nabavci, broj: 01-11-12-665/24 od 26.03.2024. godine, pokrenula otvoreni postupak javne nabavke usluga - „Održavanje aplikacije za određivanje transformacionog modela (ETRS89-DKS) i Aplikacije za uspostavu i održavanje baze geodetskih tačaka“, te na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-1-2-6-3-4/24 od 27.03.2024. godine.

Predmetni postupak je bio u nadležnosti Komisije za javne nabavke (u daljnjem tekstu: Komisija), imenovane Rješenjem direktora Federalne uprave za geodetske i imovinsko-pravne poslove, broj: 01-11-12-665-1/24 od 26.03.2024. godine.

Tenderskom dokumentacijom, kao i citiranim obavještenjem o pokrenutom postupku javne nabavke usluga, rok za prijem ponuda je određen na dan 18.04.2024. godine do 10:00h, te je Komisija postupajući u skladu sa nadležnostima konstatovala da do roka za dostavljanje ponuda predviđenog tenderskom dokumentacijom i obavještenjem o nabavci na protokol ovog ugovornog organa nije zaprimljena niti jedna ponuda.

S tim u vezi, ovaj ugovorni organ postupio u skladu sa odredbama člana 69. stav (2) tačka a) Zakona o javnim nabavkama, kojom odredbom je decidno propisana obaveza ugovornog organa da poništi postupak javne nabavke u slučaju da nije dostavljena nijedna ponuda u određenom kranjem roku

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku: Protiv ove Odluke žalba nije dozvoljena.

DIREKTOR
Željko Obradović, dipl.ing.geod.



DOSTAVITI:

1. Sektor za geoinformatiku – o v d j e;
2. Kabinet direktora – o v d j e;
3. U spis.